

բախուս վարդապետ 'ի սլաւոմութեան իւրում. Եբե՞ 23 : Իսկ Գրիգոր եպիսկոպոս Արծրունեաց էր յայնմ ժամանակի յերուսաղէմ, ականատես լեալ ամենայն անցիցն անցելոց, գրեաց թուղթ 'ի Հայս, զգուշացուցանելով զնոսա 'ի խոտորմանէ տօնից . որպէս աւանդի 'ի Ճառ ընտիրս այսպէս :

Յամի յերեսներորդի թագաւորութեան Յուստիանոսի Կայսեր, էր խաղաղութիւն յերուսաղէմ և յամենայն եկեղեցիս Աստուծոյ . զի Եպիսկոպոսք եւ Քահանայք եւ ամենայն ուխտ Եկեղեցւոյ, եկք և բնակք, աղքատք եւ մեծատունք վառեալ 'ի պաշտօնն և յուղիղ հաւատս : Իսկ բարիատեացն սատանայ մախացեալ ընդ իրան կամէր եղծանել զլուսաւոր կարգս Եկեղեցւոյ, կարգեալ 'ի սուրբ Հայրապետաց և հաստատեալ 'ի սուրբ Կիրողէ, եղև չար խորհուրդ հրամանի համակամ բանսարկուին բանս առնէր թագաւորին, թէ պարտ է զՏեառնընդառաջն ըստ Մընընդեան առնել, և ոչ ըստ Յայտնութեան քառասնօրեայ : Որում հաւանեալ թագաւորին գրէ թուղթ յերուսաղէմ առ Յուստոս հայրապետն և առ Երուսաղէմացիս . զի փոխեսցեն զՏեառնընդառաջն ըստ Մննդեան՝ որ 'ի 25 Դեկտեմբերի, առնեն յայլ քաղաքս՝ ոչ ստուգութեամբ : Իբրև լուաւ Հայրապետն զհրամանս Կայսեր յոյժ խռովեցաւ և ամենայն Երուսաղէմացիք ընդ նմա, և առ հասարակ ամենեքեան 'ի Ս . Եկեղեցիս ընթանային՝ բազում հառաջանօք և արտասուօք զպաղատանս ամենատեսառն մատուցանէին, և դամենասուրբ Կոյսն 'ի բարեխօսութիւն և յօգնութիւն անձանց կարգային : Եւ ուխտ եղին մեռանել, քան անցանել ընդ օրինօք եւ զաւանդութեամբ Հարցն Սրբոց, և այսպէս վառեալ զինու Ս . Հոգւոյն կացին միախորհուրդ 'ի սէր Աստուածութեան և ընդդէմ հրամանի թագաւորին . իբրև լուաւ Կայսրն առաքեաց անդ զոմն դուքս տալ կատարել բռնի զտօնն . թէպէտ հասին զօրքն յերուսաղէմ, այլ դարձեալ ոչ անսացին հրամանի թագաւորին, այլ վառեցին ջահս և մոմեղէնս և ելին ընդ Տեառն ընդառաջն 'ի Ս . Պրոկոպս, կատարել զտօնն ըստ Յայտնութեան և ըստ սովորութեան . և զօրն արգելոյր զնոսա և նօքա սպասէին մահու քան կենաց : Եւ մինչդեռ յայսմ